



**Krajnji rok za prijave: 31.05.2013. godine.**

---

Poštovani,

U prilogu ovoga poziva nalazi se prijavni obrazac i program ReSPA obuke/radionice na temu: Tehnike i procesi donošenja regulatornih politika - Učenje iz primjera regulatorne prakse EU (Workshop on Regulatory Techniques and Processes - a practical workshop based on EU's regulatory practices), koja se organizuje u okviru ReSPA.

Navedena obuka/radionica će se održati u sjedištu ReSPA, Danilovgrad (R.Crna Gora), u vremenu od 12-14 juna/lipnja 2013. godine.

Više detalja o samoj obuci/radionici kao i ciljnoj grupi polaznika ove obuke/radionice možete pronaći u programu koji se nalazi u prilogu.

U prilogu osim prijavnog obrazca, koji je na engleskom jeziku i koji je potrebno popuniti isključivo na engleskom jeziku, te programa seminara na engleskom, nalaze se i obrasci saglasnosti/suglasnosti na službenim jezicima u Bosni i Hercegovini, koje je prije slanja potrebno ovjeriti pečatom nadležne institucije u kojoj je kandidat zaposlen.

Prije slanja prijavnog obrazca, potrebno je osigurati potpis neposredno pretpostavljenog i ovlaštenog lica/osobe ispred institucije u kojoj je kandidat zaposlen, te zatim navedeni obrazac sagasnosti/suglasnosti, ovjeren pečatom nadležne institucije, skeniran uz prijavu dostaviti na e-mail adresu: [z.siric@mpr.gov.ba](mailto:z.siric@mpr.gov.ba) kao i kopije/preslike istih, dostaviti putem fax-a na broj: +387 33 201 738;

Samo prijave uz ovjerenu saglasnost smatrat će se potpunom.

Obuka/radionica će biti provedena na engleskom jeziku uz simultani prevod na lokalni jezik, koji će biti osiguran samo ako minimalno 3 (tri) učesnika/sudionika budu zahtjevala prevod.

Iz navedenog razloga molimo kandidate da naznače nivo/razinu poznavanja engleskog [jezika](#) u svom prijavnom obrazcu i da li im je potreban simultani prevod.

Organizator ove obuke/radionice snosi troškove ishrane, prevoza, smještaja i dnevne naknade.

Detaljne i praktične informacije izabranim učesnicima će biti proslijeđene naknadno.

Ukoliko odabrani državni službenik ili zaposlenik otkáže svoje učešće na obuci, a avionska rezervacija putovanja bude već izvršena, institucija iz koje kandidat dolazi i ReSPA će zajedno snositi troškove otkazivanja avionske karte.

Bosna i Hercegovina kao zemlja članica ReSPA može nominirati 3 (tri) osobe, za učešće na navedenoj obuci/radionici, s mogućnošću, ukoliko neka zemlja članica ReSPA nema dovoljan broj predloženih kandidata, poslati prvog kandidata s popisa/ liste rezervnih kandidata.

Ova mogućnost važi i za sve druge zemlje članice ReSPA i vrijedi u rotaciji.

**KRAJNJI ROK ZA SLANJE PRIJAVA JE 31.05.2013. GODINE.**